


IBhayibhili Labantwana
Lisinika

Ukuqala kokudana
koMuntu



Kubhalwe ngu: Edward Hughes
Kudwetshwe ngu: Byron Unger; Lazarus
Kucubungulwe ngu: M. Maillot; Tammy S.
Kutolikwe ngu: Martina Sithole
Kuvezwe ngu: Bible for Children
www.M1914.org


BFC
PO Box 3
Winnipeg, MB R3C 2G1
Canada

©2018 Bible for Children, Inc.
Ilayisense: Ulelungelo lokulingisa kumbe ukucindezela
indatshana leyi nxa ungasoze uyithengise.



UNKULUNKULU WADALA
YONKE INTO! Kwathi lapho
UNkulunkulu edala umuntu wokuqala
uAdamu, wayehlala esivanden
eseEdeni lonkosikazi wakhe, uEva.


Babelenjabulo epheleleyo
behlonipha uNkulunkulu njalo
bekholisa ubukhona
Bakhe kwaze
kwafika olunye
usuku ...





"Yebo uNkulunkulu
wathi lingadli isithelo
sasonke isivande?"
inyoka yabuza uEva.

"Siyavunyelwa ukudla sonke
isithelo ngaphandle kwesisodwa,"
kwaphendula uEva. "Singavele
sidle loba ukuthinta
leso sithelo, sizakufa."
"Kalifi," inyoka yatsho.



"Lizaguquka lifane
loNkulunkulu." UEva
wasehawukela
isithelo saleso
sihlahla. Waselalela
inyoka leyo, wadla
leso sithelo.

Ngemva kokungahloniphi
kukaEva, waseyenga uAdamu
ukuba badle leso sithelo.
UAdamu kwakumele athi,
"Hatshi! Angisoze
ngidelele iLizwi
likaNkulunkulu."





UAdamu loEva beze bewone, bonke
bahle bakwazi ukuthi banqunu. Basebethungela
ndawonye amahlamu omkhiwa, bazenzela
amafasikoti, bazigqokisa njalo bacatsha
egangeni becatshela ubukhona bukaNkulunkulu.




Ekupholeni kosuku, uNkulunkulu wasebuya esivandeni.
Wayesekwazi lokho okwenziwe nguAdamu loEva.
UAdamu wasola uEva. UEva wasola inyoka.
UNkulunkulu wasesithi, "Inyoka ithukiwe.

Owesifazana uzabalobuhlungu nxa
ebeletha abantwana." "Adamu, ngenxa
yokuthi wenze isono, umhlaba
uthukiwe ngameva
lokhula oluhabayo.
Uzakudla usuthe
ngesithukuthuku

sobuso
bakho."





UNkulunkulu
wasekhipha

uAdamu loEva
esivandeni esihle.

Ngenxa yesono abasiyenzayo,
bahlukaniswa kuNkulunkulu
onika ukuphila! UNkulunkulu
wasedala inkemba evuthayo
ukubavalela
phandle
kwesivande.





UNkulunkulu waseyenza amajali
awesikhumba ukuze uAdamu

loEva bayembathe.

UNkulunkulu

wazithatha

ngaphi

izikhumba?



Ngesikhatsana, imuli yazalwa ku Adamu lo Eva.

Indodana yabo yokuqala, u Khayini, wayengumlimisi.

Indodana yabo yesibili, u Abela, wayengumalusi.


Kwasekusithi ekupheleni kwezinsuku u Khayini

waletha e Nkosini umnikelo owesithelo
somhlabathi. Laye

u Abela waseletha
okwamazibulo
ezimvu zakhe
ku Nkulunkulu.




UNkulunkulu akathokozanga
ngomnikelo kaKhayini. UKhayini
wazonda kakhulu. Kodwa iNkosi
yathi, "Nxa uyenze okuhle,
akuyemukeleki yini?"



uKhayini wala lokhe
ethukuthele. Kwasokusithi emva
kwesikhathi, uKhayini wasukela
umfowabo uAbela-wambulala.



UNkulunkulu wakhulumo loKhayini. "Ungaphi umfowenyo, uAbela?" "Angazi," waqamba amanga uKhayini. "Ngingumlondolozi womfowethu yini?" UNkulunkulu wasejezisa uKhayini ngokumthathela isipho sokulima lokumenza abengumhambuma emhlabeni.



UKhayini wazisusa ebukhoneni beNkosi.
Wasethatha indodakazi kaAdamu loEva.
Wabamazi umkakhe, bakhulisa umdeni.
Ngesikhatshana, abazukulu
bakaKhayini labazukulwane



bagcwala
elizweni lapho
ayehlala khona.

Ngokunjalo, imuli eka Adamu lo Eva
yaqhela masinyane. Ngamalanga
lawo, abantu babephila isikhathi
eside ukwedlula kathesi.



Lapho kubelethwa uSethi, uEva wathi, "UNkulunkulu
ungibekele enye inzalo esikhundleni sikaAbela."
USethi wayeyingceku kaNkulunkulu eyaphila
emhlabeni okweminyaka engamakhulu
ayisitshiyagalo lunye letshumi lambili njalo
wayelabantwana abanengi



Emhlabeni, abantu bakhulelwa
yibubi kusukela kusizukulwane
esinye kusiya kwesinye.

Ekucineni, uNkulunkulu
wacabanga ukubhidliza
abantu...



... inyamazana zonke lenyoni.
UNkulunkulu wazisola ukuba
wadala umuntu. Kodwa kukhona
eyodwa indoda eyayijabulisa
iNkosi ...





Indoda leyi yayithiwa nguNowa.
Wayeyisizukulwane sikaSethi,
uNowa wayengcwele njalo elungile.
Wayehamba ebukhoneni
bukaNkulunkulu.



Wafundisa njalo amadodana
akhe amathathu ukuthi
ahloniphe uNkulunkulu.



Ukuqala kokudana koMuntu


Indaba evela elizwini likaNkulunkulu, iBhayibhili

itholakala ku

UGenesisi 3-6

"Isango lamazwi akho lunika ukukhanya."
Amahubo 119:130






Isiphetho



2



60



Indaba leyi eyeBhayibhili isitshela ngokubukeka
kukaNkulunkulu owasidalayo njalo ofuna wena ubemazi.

UNkulunkulu uyakwazi ukuthi senze izinto ezimbi,
lezo azibiza ngokuthi yizonon. Umjeziso wesono yikuwa, kodwa
uNkulunkulu uyakuthanda kakhulu okokuthi Wakuthumela iNdodana
yakhe, yona eyiyo yodwa, uJesu, ukuze afele esiphambanweni
ejeziselwa izono zakho. UJesu wasevuka kwabafileyo wahamba ekhaya
eZulwini! Nxa ukholwa kuJesu njalo umncele ukuba akuthethelele
izono zakhe, Uzakwenza lokho! Uzabuya ahlale ngakuwe,
lawe uzahlala Laye ngokunaphakade.

Nxa ukholwa ukuthi lokhu kuliqiniso, tshono lokhu kuNkulunkulu:
Kuwe Jesu, ngiyakholwa ukuthi UnguNkulunkulu, njalo wabangumuntu
ukuze ufele izono zami njalo kathesi Uyaphila ngokunjalo. Ngicela
ungene enhlizweni yami ungithethelele izono zami, ukuze ngibe lempilo
entsha kathesi, kwelinye ilanga ngihambe ngiyokuba Lawe
ngokunaphakade. Ngingcedisa ngiKuhloniphe ngiKuphilele
njengomntwana Wakho. Amen.

Funda iBhayibhili njalo ukhulume loNkulunkulu
nsukuzonke! Johane 3:16

